

۱ پولس، شورا اعضاى نىگاه بوکوده بوگفته: «برأران، من تا ايمروز
خودا ورجه وجدان پاکِ امرأ زندگى بوکودم و بازم کونم.» ۲ وختى
آن بوگفته، کاهن اعظم، حانیا، دستور دهه کسانى کى پولس ورجه ايسه بید، اون
دهان میان بزید. ۳ پولس واگردسته، حانیاى بوگفته: «خودا ترزنه، اى خوش ظاهر
بد باطن! تو او تخت سر نيشته يى کى مر محاکمه بوکونى، ولى خلاف شریعت،
دستور دیهى تا مر بزید؟»

۴ کسانى کى پولس نزديكى ايسه بید، بوگفتیدى: «خودا کاهن اعظم ناسزا گى؟»
۵ پولس بوگفته: «ای برأران، نأستيم کى اون کاهن اعظم ايسه؛ چونکى کيتاب
تورات میان بينويشته: (تى قوم حاکمان ناسزا نوا گفتن*.)

۶ پولس دانستى کى اجمع میان بعضى یان صدوقى و بعضى یان فریسی ايسیدى
. هن وستى صدای بولند امرأ، شورا میان بوگفته: «ای برأران، من فریسی و فریسی
زاده يم. به امید زنده بوستن مُرده یان در روز قیامت وستى ايسه کى محاکمه بوستن
درم.»

۷ وختى آن بوگفته، فریسیان و صدوقیان میان اختلاف دکفته و مردوم دو دسته
بو بوستیدى، ۸ چونکى صدوقیان منکر قیامت و فرشته و روح بید، ولى فریسیان به
تومام اوشان اعتماد داشتیدى.

۹ اوشان دورونی جینجال دکفته. چند نفر جہ علمای فرقهی فریسی ویریشیدی و اعتراض کونان بوگفتیدی: «آمان آمرڈ دورون خطایی نیدینیم. جہ کویہ معلومه کی روح یا فرشتهیی، اون آمرأ گب نزه بی.» ۱۰ وختی فرمانده بیده کی اطو، فریسیان و صدوقیان میان اختلاف شدید دکفته، بترسه کی نوکونه پولس تیکه پاره بوکونید. دستور بده سربازان بیشید و اون، جہ اوشان میان بیرون بأورید و ببرید قلعه دورون. ۱۱ هو شب، خوداوند عیسی بمو پولس ورجه و اون آمرأ گب بزه، بوگفته: «نوا ترسن، شجاع بوبو! هوطو کی اورشلیم میان مر شهادت بدیی، روم میانم و آمر شهادت بدی.»

نقشهی قتل پولس

۱۲ فردای او روز، یهودیان همدیگر آمرأ نقشه بکشه ییدی، قسم بوخوردیدی تا پولس نوکوشتیدی هیچی نوخورید. ۱۳ ویشتر جہ چهل نفر بید کی همدیگر آمرأ هم پیمان بوبوستید. ۱۴ اوشان بوشویدی پيله کاهنان و مشایخ ورجه و بوگفتیدی: «آمان قسم بوخوردیم کی تا پولس نوکوشیم، هیچی نوخوریم. ۱۵ پس هسه شومان و شورا اعضا، فرماندهی رومی بیگید کی اون بأوره شیمی ورجه، به ابهانه کی دقیقتر اون جا بازجویی بوکونید. آمانم آمادهیم هطو کی امی نزدیکی بمو اون بوکوشیم.»

۱۶ وختی پولس خواخور زأ، کی او شهر میان زندگی کودی، جہ اوشان نقشه واخبر بوبوسته، بوشو قلعه دورون، پولس واخبر کوده. ۱۷ پولس ایتا افسر دوخوآده

و بوگفته: «اَ جوانَ اوسه کون فرمانده ورجه، چونکی اون ره ایتا خبر بأورده.» ۱۸ پس افسر اون فوری ببرده فرمانده ورجه و بوگفته: «پولسی کی زندان میان ایسه، مر دوخواده و مر بوگفته اَ جوانَ باورم تی ورجه کی تر ایچی بگه.»

۱۹ فرمانده او مرد جوان دس بیگفته، اون ببرده ایچه کنارتر و وورسه: «بوگو بیدینم مره چی خبری بأوردی؟» ۲۰ اون بوگفته: «یهودیان نقشه بکشه ییدی کی فردا شیمی جا بخوایید کی پولس بأورید شورا، به اَ بهانه کی جه اون دقیقتر بازجویی بوکونید. ۲۱ اوشان گبان قوبیل نوکونید، چونکی ویشتر جه چهل نفر یهودی اون کمین ایسه ییدی و همدیگر امرأ هم قسم بو بوستیدی و بوگفتیدی: (تا اون نوکوشیم، هیچی نوخوریم.) هسه اَ مرداگان آماده ایسه ییدی کی شومان اَ تقاضای قوبیل بوکونید.» ۲۲ فرمانده، جوان اوسه کوده کی بشه و اون فرمان بده، بوگفته: «هیچ کس نوگو کی اَ خبر مره بأوردی.»